

Resultat frå arbeidsverkstaden med kommunestyret på politikardagen om kommuneplanen sin samfunnsdel

Strategisk planoversikt (temaplanar)

19.3.2026 på Blix hotell

Program politikardagen

Tid	Tema
10:00 - 10:30	Opning av møtet
10:30 - 11:15	Presentasjon av kommunedirektøren sitt framlegg til høyringsutkast , med vekt på struktur, korleis planen må lesast og dei viktigaste grep i planen
11:15 - 11:20	Kort pause og ev. rigging av bord til gruppearbeid
11:20 - 12:15	Partiane får høve til å presentere ev. førebudde innspel
12:15 - 13:00	Lunsjpause
13:00 - 14:30	Arbeidsverkstad Bli betre kjent med innhaldet i planen Få «teste» planen politisk (korleis bruke planen i praksis) Forstå korleis planen gjev rom for politiske prioriteringar Samanhengen mellom mål og strategiar i planen Planstrategi for temaplanar (sjå utsendt forslag)
14:30 - 15:00	Kommunestyremøtet held fram

Arbeidsverkstaden var ei politisk bestilling til administrasjonen for å styrkje det politiske eigarskapet til ny samfunnsdel, men utan meir konkrete ynskjer for innhaldet .

Administrasjonen laga då eit opplegg som kunne vere føremålstenleg og nyttig i denne fasen av planprosessen.

Arbeidsverkstaden var delt i to delar:

- Del 1: «Bruk av planen» - situasjonsbasert gruppearbeid
- Del 2: Strategisk planoversikt (temaplanar)

På sjølve politikardagen prioriterte kommunestyret del 2 av arbeidsverkstaden, og det var berre oppgåve 4 som blei jobba med i alle gruppene. I denne rapporten er det likevel teke med alle oppgåver som var planlagd for arbeidsverkstaden, for å vise samanhengen i opplegget.

Oppgåver for del 1 av arbeidsverkstaden «Bruk av planen»

Situasjon 1: Innbyggjarar melder i frå om at dei unge i eit lokalsamfunn i kommunen saknar (fleire) møteplassar og fritidstilbod.

Oppgåver:

1. Finn **relevante satsingsområde/hovudmål/delmål/strategiar** for problemstillinga
2. Drøft kva **retning(ar)** planen peikar i
3. Kva **rom for politiske val** ligg i måla og strategiane?

Situasjon 2: Ein kommunal teneste slit med rekruttering og overbelastning.

Oppgåver:

1. Finn **relevante satsingsområde/hovudmål/delmål/strategiar** for problemstillinga
2. Drøft kva **retning(ar)** planen peikar i
3. Kva **rom for politiske val** ligg i måla og strategiane?

Situasjon 3: Eit lokalt initiativ ynskjer å vidareutvikle eit næringsprosjekt som krev noko arealbruk. Prosjektet vil gje nye arbeidsplassar.

Oppgåver:

1. Finn **relevante satsingsområde/hovudmål/delmål/strategiar (også arealstrategiar)** for problemstillinga
2. Drøft kva **retning(ar)** planen peikar i
3. Kva **rom for politiske val** ligg i måla og strategiane?

Oppgaver og resultat del 2 av arbeidsverkstaden «Strategisk planoversikt»

Som grunnlag for oppgåvene blei det i forkant av politikardagen sendt ut ei oversikt over kommunen sitt eksisterande planverk (temaplanar) og eit framlegg for strategisk planoversikt, med forslag om endringar i planverket og nye planar (som konsekvens av framlegget for ny samfunnsdel til kommuneplan). Forslaget innebar også å samle fleire eksisterande planar i meir overordna tema- eller sektorplanar, men ei samla reduksjon frå 45 til 31 planar (inkludert strategiar, retningslinjer m.m.).

Oppgåve 1: Kva forenklingar i planverket i tabell 2 legg de merke til?

Denne oppgåva skulle alle nokre minuttar jobbe med kvar for seg, som førebuing til dei andre oppgåvene.

Oppgåve 2: Gjev desse grepa meining for dykk? Og kvifor?

Tilbakemeldingane frå 2 av 3 grupper:

- Oppdelt i sektorar gjer det meir ryddig og oversiktleg.
- Planar er slått saman. Då er det ikkje så lett å vite innhaldet i dei samanslåtte planane. I den nye planen bør det vere ein oversikt over innhaldet (planar) i dei ulike hovudplanane.
- Positivt med færre planar med tanke på betre oversikt og mindre arbeid med redigering av planane, færre planar å revidere. Også enklare å forhalde seg til planane.

Oppgåve 3: Kopling planoversikt – samfunnsdelen til kommuneplanen

Kvar gruppe vel ut 1-3 planar som er føreslått laga/revidert i 2026. Kva mål og/eller strategiar i samfunnsdelen kan planen fylgje opp eller konkretisere?

Oppgåva skulle vise samanhengen mellom måla og strategiane i kommuneplanen sin samfunnsdelen og den strategiske planoversikta. Det var berre ei gruppe som jobba med denne oppgåva, men utan å få høve til å fullføre heile.

Oppgave 4: Vel ut 3 planrevisjonar/nye planar som gruppa meiner bør prioriterast, og kvifor!

Tilbakemeldingane frå gruppene:

Prioriterte planar	Grunngjeving
Gruppe 2	
Sektorplan oppvekst	Fordi barn og unge er framtida, dei må oppleve trygg og godt oppvekst for å flytte tilbake som vaksne
Landbruksplan	Viktig med tanke på beredskap, levande bygder, næring, busetjing
Overordna beredskapsplan	Særleg viktig i urolege tider, også med tanke på klimaendringar
Gruppe 3	
Overordna beredskapsplan	Den usikre situasjonen i verda
Klima- og utsleppsplan	Cruise
Reiselivsplan	Cruise
Gruppe 5	
Sektorplan oppvekst	Opphavleg kommune(del)plan er utgått. Større endringar sidan 2014 då den blei laga. Med kulturskuleplan.
Språkbruksplan	Gamal og delvis utgått den me har
Kulturplan	Der kulturbygg og kulturminne går inn i denne planen

Vik, 16.4.2026 KW